

Ineqarnermut, Illuuteqarnermullu immikkoortorta qarfimmut AC-fuldmægtigimik imaluunniit sullissisumik pissarsiorpugut

**Ineqarnermut, Attaveqaasersuutitut Isorliunerusunut Upalungaarsimanermullu
Naalakkersuisoqarfik Ineqarnermut, Illuuteqarnermullu immikkoortorta qarfimmut AC-
fuldmægtigimik imaluunniit sullissisumik pissarsiorpoq**

Innuttaasunut sanaartorusuttunut, nutartererusuttunut imaluunniit
illuminniiginnarusuttunut isumalerujussuarnik ineqarnermut aaqqiissutinik
suliaqarusuppit?

Aaqqissuussillaqqissumik, sullissinissamillu ukkatarinnittumik Ineqarnermut,
Attaveqaasersuutitut, Isorliunerusunut Upalungaarsimanermullu Naalakkersuisoqarfik
Ineqarnermut, Illuuteqarnermullu immikkoortorta qarfimmut sullissisussarsiorpoq.
Atorfimmi pingaartumik illunut sanaqataaffiusunut aaqqissuussamik,
iluarsartuussinissamut taarsigassarsianik aamma soraanermusialinnut taarsigassarsianik
aqutsinermik, sulianillu suliaqarnermik kiisalu pigisat aalaakkaasut pillugit
saaffiginnissutinik, sulianillu suliaqarfiunerussaaq.
Inissianik Illuutinillu Suliassa qarfimmi inissiat pillugit suliat, illuutit aalaakkaasut, pigisanik
nalilinnik pisiniarneq tunisinerlu, inatsisit, innuttaasut saaffiginnissutaat aamma
politikkimut - allaffissornermut tunngasuni sullissinerit isumagineqarput.

Atorfik pillugu

Illunut sanaqataaffiusunut aaqqissuussaaq, Iluarsartuussinissamut taarsigassarsiat,
soraanerussutisialimmut taarsigassarsiat kiisalu pigisat aalaakkaasut pillugit sulianik
suliaqarnermi AC-fuldmægtigitut imaluunniit sullissisutut siammassissumik suliaqassaati.
Qinnuteqaatit aalajangersimasut, uppernarsaatit, ilitersuutit, sulianik malitseqartitsineq
aamma allakkiorneq, aalajangiinissatullu missingiussat suliarisassavatit.
Atorfimmi atorfeqassagaanni aaqqissuussisinnaasariaqarpoq, mianersuuteqqissaarlugu
suliaqarsinnaasariaqarpoq, aamma malittarisassanik, uppernarsaatinik,
aningaasaqarnermut paasissutissanik kiisalu sulianik aalajangersimasunik
ingerlatsinissamik suliaqarsinnaasariaqarpoq. Innuttaasunut, kommuninut,
aningaaserivinnut, eqqartuussissuserisunut, illunik tuniniaasartunut, INI A/S-imut,
suleqatigisanullu allanut attuumassuteqartunut attaveqassaati.
Aaqqiissutinik eqqortumik, assigiissaartumik, sullissinissamillu ukkatarinnittumik
aqutsinissamut tapertaassaati. Suliat naammattumik paasissutissartaqarnissaasa,
uppernarsaatit pigineqarnissaasa, innuttaasullu ersarissumik aamma eqqortumik
ilitersorneqarnissaasa qulakkeernissaa pingaarutilimmik suliassat ilagissavaat.
Illunut sanaqataaffiusunut aaqqissuussaaq, iluarsartuussinissamut taarsigassarsiat,
soraanerussutisialimmullu taarsigassarsiat atorfimmi pingaarnertut ukkatarineqassapput,
kisiannili Ineqarnermut, Illuuteqarnermullu immikkoortorta qarfimmi sulisut allat
peqatigalugit suliat qanimut ataqatigiissaarneqarnissaat pisariaqassaaq. Taassuma
saniatigut pigisat aalaakkaasut pillugit suliat suliassaassapput, matumani aamma
pisariaqartitsineq malillugu ilitersuineq aamma sulianik suliaqarneq.

Suliassatit

Ilaatigut suliarisassavatit:

- illunut sanaqataaffiusunut aaqqissuussamik, iluarsartuussinissamut taarsigassarsianik
aamma soraanerussutisialimmut taarsigassarsianik suliaqarneq aqutsinerlu

- pigisat aalaakkaasut pillugit saaffiginnissutininik, sulianillu suliaqarneq
- qinnuteqaatinik, saaffiginnissutininik, uppersaatinillu suliaqarneq
- innuttaasunut, kommuninut, aningaaserivinnut, eqqartuussissuserisunut, illunik tuniniaasartunut, INI A/S-imut, suleqatigisanullu allanut ilitsersuineq
- allakkanut akissusiornerit, ilitsersuilluni allakkiornerit, aalajangiinissamut missingiusiornerit, allakkianillu suliaqarneq
- sulianik aalajangersimasunik, piffissaliussanik, paasissutissanillu amigaataasunik malitseqartitsineq
- Journalimut allattuineq, nalunaarsuineq, suliallu pitsaassusiinik qulakkeerineq
- nalinginnaasumik allakkamut, ilitsersuutininut, suleriaatsinut, assigiissaartumillu suleriaatsinut tapersiineq

Illit pillutit

Takorloorparput allaffissornerup, aningaasaqarnerup, pisortat ingerlatsinerisa, allaffimmi, aningaasat, inatsisilerinerup, assigisaasaluunniit iluini attuumassuteqartumik ilinniarsimassasutit. Sulianik suliaqarnermik, innuttaasunik ilitsersuinerimik, taarsigassarsitsinerimik sulianik imaluunniit pisortat aaqqiissutaannik misilittagaqarneq aamma pingaaruteqarsinnaavoq.

Pingaartipparput:

- aaqqiissuussaasumik, namminersorlutit, akisussaassuseqartumillu sulisinnaasutit
- paasiuminartumik allaaserinnissinnaasutit
- innuttaasut, suleqatigisallu ersarissumik aamma sullissinissamik ukkatarinnittumik ilitsersorsinnaagitit
- malittarisassanik, uppersaatinik, aalajangersimasumillu suleriaatsimik suliaqarsinnaasutit
- inunnut, aningaasaqarnermullu paasissutissat isertuullugit, eqqortumillu suliarisinnaagitit
- ineqarnermut tunngasut aamma pisortat taarsigassarsiinermut, tapiissuteqarnermullu aaqqiissutaat kiisalu pigisat aalaakkaasut soqutigisarigitit

Pisortani suliat suliarineqartarnerinik, innuttaasut aallaavigalugit oqartussat suliassaataannik suliaqartarnermik misilittagaqaruit imaluunniit illunut sanaqataaffiusunut aaqqiissuussamut, iluarsartuussinissamut taarsigassarsianut imaluunniit soraanerussutisialimmut taarsigassarsianut ilisimasaqaruit iluaqutaassaaq. Kalaallisut qallunaatullu attaveqarsinnaaguit aamma iluaqutaassaaq.

Neqeroorutigaaqut

Atorfik ineqarnermut suliassaqarfimmi namminersorluni, inuiaqatigiinnullu pingaarutilinnik suliassaqarfiusoq neqeroorutigaaqut. Inissianik Illuutinillu suliassaqarfimmi suleqataalissaatit, tassanilu inissianut politikkimut, inissianik aningaasalersuisarnermut, pigisanik aalaakkaasunut, inatsisinut aammalu innuttaasunik, oqartussaasunik politikikkiknullu siuttunik kiffartuussinernut tunngasunik suliaqassaatit.

Sulianik aalajangersimasunik, innuttaasunut ilitsersuutininik, allaffissornikkut sulianik aammalu suliassaqarfimmi, innuttaasunut annertuumik pingaaruteqartumi sulieriaatsit assigiiaarnerusunngorlugit ineriartortinnerini suleqataanissamut periarfissaqassaatit. Sulineq avatangiisini, assigiinngiiaartunik suliaqarfiusuni, aalajangiinissamut naatsunik aqquteqarfiusuni, aammalu allaffimmi suleqatinut qanimut suleqateqarfiusumi ingerlanneqarpoq.

Aningaasarsiatigut, atorfinitsitaanermilu atugassarititat

Isумаqatigiissut atuuttoq naapertorlugu akissarsiat atorfeqarnermilu atugassarititaasut Aalajangersarneqassapput, qinnuteqartullu ilinniarsimanera, misilittagai, piginnaasailu

apeqqutaassallutik.

Qinnuteqartunik uppersakkamik piginnaasaqartunik isumaqatiginninniareernikkut isumaqatigiissut atuuttoq naapertorlugu immikkut siunnersortitut, siunnersortit pisortaattut imaluunniit siunnersortaanertut atorfinitsitsisoqarsinnaassaaq.
Isumaqatigiissuteqarnikkut atorfinitsitsisoqassaaq.

Ulloq atorfiniffissaq

1. oktobari 2026 imaluunniit isumaqatigiissuteqarneq malillugu.

Soqutiginnippit?

Apequtissaqaruit allaffimmi pisortaq Steve Sandgreen
attaveqarfigisinnaavat stsa@nanoq.gl aqutigalugu.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraanermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.
Qinnuteqartoq uppersaatitalinnik piginnaasalik immikkut siunnersortitut, siunnersortit pisortaattut siunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.